

ዮሀንስ ፃፊዳ ኮይር ኪታ ጋሳ ቆፋ

ሃዋሪያ ዮሀንስ ፃፊዳ ኮይር ኪታይ፣ ናምዑ አይፌ ቆፋታ ኦይኬስ። ሄሲካ ናባቤይሳቲ ያሳራኔ ኢያ ናዓ ዩሱስ ኪሪስቶሳራ ኢሲፊቴሉ ዳና ማላ ሚንሌላናሳኔ ሄ ኢሲፊቴላ ቆይሲያ ዋርዶ ቲሚርቲያፌ ሃካና ማላ ኤንታ አኬኪሳናሳ። ሄ ዋዴ ዴንዲዳ ዋርዶ ቲሚርቲይ፣ «ያሳይ ቤንቶና አያና አላሜ ሜዲስ። ሃ ቤንቲያ አላሚያኔ ኑ አሳቴላ ያሳይ ሜዲሶና ገሾ ኢታ። ቃሲ ሃ ቤንቲያ አላሜይኔ ኑ አሳቴላይ ኑ አያና ቆሃናውኔ ቱኒሳናው ዳንዳዔና» ያገዲ ታማርሶሶና። ሄሳ ጉሳይ፣ ኮይር፣ ዩሱሲ አሴ ገዲዲ ዪቤና። ናምዓንሎ፣ ኢሲ አሲ ባ አያና ቱኒሶና ዳዒሼ ባ አሾን ናጋራ አላናው ዳንዳዔስ ያጉሱ።

ሄሳ ገሾ፣ ዮሀንስ ባ ኪታን፣ ዩሱሲ አሴ ገዲዲ ዪዳይሳ ካዲያ ኦኒካ ያሳ ናዓ ገዳና (4:2-3)። ቃሲ ያሳፊ ዩሌቲዳ ኦኒካ ኡባ ዋዴ ናጋራን ዳዔና (3:6) ያገዲ ፃፊስ።

ሄ ዋርዶ አስታማራቲ፣ «አቶቴሉ ጉሳይ፣ ሃ ሳዓ ዳሳስ ኡንዔቴላፊ ኬዩዲ ዩዳ ገዲዲ ዳያ» ያሳሶና። ሄሳ ቦላ ጉጂዲ፣ «ኢታኔ ሎያ ሻኪዲ ኦይኬሉ ገዲን፣ ቃሲ ሃራ አሲ ሲቆ ገዲን አቶቴላራ አይቢ ጋሃቴሉካ ባዋ» ያሳሶና።

ፃፊይ ሄ ቲሚርቲያ ኢዲዲ፣ «ዩሱስ ኪሪስቶሲ ፖሎ አሴ። ዩሱሳ አማኔይሳቲኔ ያሳ ሲቆይሳቲ ኡባይ ባንታ ገደን ኢሶይ ኢሱዋራ ሲቆታናው ቤሴስ» ያገዲ ኦዲስ።

1 ዮሀንሳ ኪታ አይፌ ቆፋታ

- ጌሎ ቆፋ 1:1-4
- ፖሶኔ ቆማ 1:5-2:29
- ያሳ ናይታኔ ፃላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- ያኒያ አማኖ 5:1-21

ዳያ አሚያ ቃላ

- 1 ኑኒ ኮይርፔ ዶሚዲ ዳዲያ፡ ኑ ሃይላን ሲዲዳ፡ ኑ ጃሊዳ፡ አይፊያን ቤዲዳ፡ ኑ ኩሺያን ቦቹዳ ዳዎ ቃላባ ሂንቴው ፃፎሰ።
- 2 ሄ ዳዎይ ቆንጨን፡ ኑኒ ኢያ ቤዲዳ፡ ኢያባ ማርካቶሰ። አዎ ማታን ዳዲያ ኑሰ ቆንጨዳ፡ ማሪና ዳዑቀባ ሂንቴው አዋጀሰ።
- 3 ኑራ ሂንቴው ኢሲፊቴላ ዳና ማላ ኑኒ ቤዲዳይሳኔ ሲዲዳይሳ ሂንቴው ኦዶሰ። ሂንቴው ኑራ ኢሲፊቴላ ዳዲያ ገሾ አዋራኔ ኢያ ናዓ ዩሱሰ ከሪሰቶሳራ ኢሲፊቴላ ዳዔሰ።
- 4 ኑ ኡፋይሳይ ፖሎ ገዳና ማላ ሄሳ ሂንቴው ፃፎሰ።

ፆሳይ ፖዎ

- 5 ኑኒ ዳዎ ገዲዳ ኢያፔ ሲዲዳ፡ ሂንቴው ኦዲያ ከታይ ሃይሳ፡ «ፆሳይ ፖዎ፤ ኢያን ቋሚ ባዎ» ያጌይሳ።
- 6 ኑሰ ኢያራ ኢሲፊቴላ ዳዔሰ ያገሾ ቋማን ዳዒኮ፡ ኑ ኦዳኒኔ ኑ ኦሱዋን ዋርዶቶሰ።
- 7 ሺን ፖዎን ኢ ዳዔይሳዳ፡ ኑካ ፖዎን ዳዒኮ፡ ኑሰ ዋሊ ገደን ኢሲፊቴላ ዳዔሰ። ኢያ ናዓ፡ ዩሱሳ ሱላይ ናጋራ ኡባፊ ኑና ጌሾሰ።
- 8 ኑኒ፡ ኑናን ናጋሪ ባዎ ገኮ ኑ ኑና ጨዋሰ፤ ኑናን ቱሚ ባዎ።
- 9 ሺን ፆሳሰ ኑ ናጋራ ፓዒኮ፡ ኢ ኑ ናጋራ አቶ ጋናዉኔ ኑ ቆሆ ኦሶ ኡባፊ ኑና ጌሻናው፡ አማኔቲዳይሳኔ ቱማ።
- 10 ኑኒ ናጋራ ኦሊቦኮ ገኮ ፆሳ ዋርዳንቾ ኬሶሰ፤ ኢያ ቃላይካ ኑናን ዳና።

2

ከሪሰቶሲ ኑሰ ጋናቴይሳ

- 1 ታ ናይቶ፡ ናጋራ ሂንቴ ኦሶና ማላ ታኒ ሃይሳ ሂንቴው ፆፋይሰ። ሺን ኦኒካ ናጋራ ኦሊኮ አዎ ማታን ኑሰ ጋናቴያ ዒሎይ፡ ዩሱሰ ከሪሰቶሲ፡ ዳዔሰ።
- 2 ኑ ናጋራይ ከሪሰቶሳ ባጋራ አቶ ጌቴቴሰ። ኢ ኑ ናጋራ ፆላላሰ ገደናሺን ኣሳ ኡባ ናጋራሰ ያርሼቴሰ።
- 3 ኑኒ ፆሳ ከታ ናገኮ፡ ሲዴይ ባይናሺን፡ ቱማ ኑ ኢያ ኤርሰ።
- 4 ኦኒካ፡ «ታኒ ኢያ ኤራይሰ» ያገሾ፡ ኢያ ከታ ናጎና ኢዒኮ ሄ ኡራይ ዋርዳንቾ፤ ቱማቴላ ኢያን ባዎ።
- 5 ሺን ኢያ ቃላሰ ኑ ከቴቴያባ ገዲኮ ሄ ኡራይ ፆሳ ሲቁያ ሲቆይ ፖሎ ገደሰ። ኑኒ ፆሳን ዳዔይሳሰ ሄሲ ባው ቱማ ማርካ።

6 ታኒ፡ «የሳን ዳዳይሰ» ጊያ ኦኒካ ከሪሰቶሲ ዳዳዳይሳዳ ዳናው ቤሴሰ።

ኦራላ ኪታ

7 ታ ሲቆ አሻቶ፡ ታኒ ሂንቴው ኮይሮፔ ዳዳይሰ ጋልዳ ኪታ ያፋይሰፔ ኣቲን ኦራላ ኪታ ያፊኬ። ኢካ ሂንቴ ሲዲዳ ሄ ጋልዳ ኪታ።

8 ጊዲኮካ፡ ከሪሰቶሳኒኔ ሂንቴናን ቱማ ጊዲዲ ዳዳይሰ፡ ኦራላ ኪታ ያፋይሰ። ቋማይ ኪቲን፡ ሃዒ ቱማ ፖይይ ፖዔሰ።

9 «ፖንን ዳዳይሰ» ጊሼ ባ አሻ ኢዲያ ኦኒካ፡ ሃዒካ ቋማን ዳዔሰ።

10 ባ አሻ ደሲያ ኦኒካ ፖንን ዳዔሰ። ሄ ኡራን ሃራ ኣሲ ቋቢያባይ ባዋ።

11 ሺን ባ አሻ ኢዲያ ኦኒካ ቋማን ዳዔሰ፤ ቋማን ሃሙቴሰ። ቋማይ ኢያ ኣይፊያ ቆቁሲዳ ጊሾ ኣው ቢያኮ ኤሪና።

12 ታ ናይቶ፡ ከሪሰቶሳ ሱንላ ባጋራ ሂንቴ ናጋራይ ኣቶ ጌቴቲዳ ጊሾ ታኒ ሂንቴው ያፋይሰ።

13 ኣዋቶ፡ ኮይሮፔ ዳዳይሰ፡ ኢያ ሂንቴ ኤሪዳ ጊሾ ሂንቴው ያፋይሰ። ያላጋቶ፡ ያላሂያ ሂንቴ ያኒዳ ጊሾ ሂንቴው ያፋይሰ።

14 ጉላ ናይቶ፡ ያላ ሂንቴ ኤሪዳ ጊሾ ሂንቴው ያፋይሰ። ኣዋቶ፡ ኮይሮፔ ዳዳይሰ ኢያ ሂንቴ ኤሪዳ ጊሾ ሂንቴው ያፋይሰ። ያላጋቶ፡ ሂንቴ ሚኖ ጊዲያ ጊሾ ያላ ቃላይ ሂንቴናን ዳዳይሰ ጊሾኔ ያላሂያ ሂንቴ ያኒዳ ጊሾ ሂንቴው ያፋይሰ።

15 ኣላሚያ ዋይኮ ኣላሚን ዳዳይሰ ደሶፒቴ። ኣላሚያ ደሲያ ኦኒካ ያሳ ደሴና።

16 ኣላሚን ዳዳይሰ ኡባባይ፡ ኣሾ ኣሞቴሉ፡ ኣይፊን ቤዒዲ ኣሞቴያባይኔ ሚሼን ጨቁቴሉ ኣላሚባፔ ኣቲን ያሳፊ ጊዳና።

17 ኣላሚይኔ ኣላሚን ኣሲ ኣሞቴያ ኡባይ ኣቆና፡ ሺን ያሳ ሼኒያ ፖሊያ ኦኒካ ሚሪናው ዳና።

ከሪሰቶሳራ ኤቁቴያ ሞርኪያ

18 ታ ናይቶ፡ ዋዲያ ወርሴላይ ማታቴሰ። ከሪሰቶሳ ሞርኬይ ስንላፊ ያናይሳ ሂንቴ ሲዲዳይሳዳ ሃሪ ኣቶሺን፡ ሃዒካ ኢያ ሞርኬቲ ዳሮቲ ዳንዲደሶና። ሄሳ ጊሾ፡ ዋዲያ ወርሴላይ ማታቴዳይሳ ኦኒ ሄሳን ኤሮሰ።

19 ሄ ሞርኬቲ ኑ ባጋ ገደና ገሾ ኑ ገደፌ ኬዩደሶና። ኤንቲ ኑ ባጋ ገደያዮ ኑ ገደን ዳዓና፣ ሺን ኤንታፌ ኦኒካ ኑ ባጋ ገደናይሲ ኤሬታና ማላ ኑ ገደፌ ኬዩደሶና።

20 ሺን ኪሪሰቶሲ ሂንቲ ቦላ ጌሻ አያና ጉሲስ፤ ቃሲ ሂንቲ ኡባይ ቱማ ኤሬታ።

21 ቱማ ሂንቲ ኤሪያ ገሾኔ ቱማን አይቢ ዋርዶይ ባይናይሳ ሂንቲ ኤሪያ ገሾ ታኒ ሂንቲው ፃፋይሲፔ ኣቲን ቱማ ሂንቲ ኤርና ገሾ ገደና።

22 ዩሱሲ፣ ያሳይ ደሪዳይሳ ገደና ገዲ ካዲያ ኣሳፔ ሃሪ ዋርዳንቸይ ኦኔ? ሄሳ ማላ ኣሲ ኪሪሰቶሳ ሞርኬ። ኢ ናዓ ካዲኮ ኣዋካ ካዳስ።

23 ናዓ ካዲያ ኦዴሰካ ኣዋይ ባዋ፤ ቃሲ ናዓሰ ማርካቲያ ኦዴሰካ ኣዋይ ዴዔስ።

24 ሄሳ ገሾ፣ ኮይሮ ሂንቲ ሲዒዳ ቃላ ሂንቲ ዋዛናን ማንሊዲ ናገቲ። ኮይሮ ሲዒዳይሳ ሂንቲ ናገኮ ሂንቲው ናዓራኔ ኣዋራ ኢሲፌቴሊ ዳና።

25 ናዓይ ኮሰ ማሪና ዳዑዋ ኢማና ገዲ ቃላ ጌሊስ።

26 ሂንቲና ባሌሊያ ኣሳ ገሾ ታኒ ሃይሳ ሂንቲው ፃፋስ።

27 ሺን ኪሪሰቶሲ ሂንቲ ቦላ ባ ጌሻ አያና ጉሲስ። ጌሻ አያናይ ሂንቲናን ዳዔያ ገሾ ኦኒካ ሂንቲና ታማርሶ ኮሼና። ኢያ ጌሻ አያናይ ሂንቲና ቱማ ታማርሴሲፔ ኣቲን ዋርዶ ገደና። ጌሻ አያናይ ሂንቲና ታማርሲዳይሳዳ ኪሪሰቶሳን ዳዒቲ።

28 ሂዛ፣ ታ ናይቶ፣ ኢ ቆንጫያ ዋዴ ኮኒ ያሺ ባይናኔ ኢያ ዩሳ ጋላሰ ኢያ ሲንሳን ኑ ዩላን ቆሴቶና ማላ ኢያን ዳዒቲ።

29 ኪሪሰቶሲ ዓሎ ገዴይሳ ሂንቲ ኤሪኮ ዓሎ ኦሊያ ኡባይ ያሳ ናዓ ገዴይሳ ኤሪቲ።

3

ያሳ ናይታ

1 ኦኒ ያሳ ናይታ ጌቲቲዲ ዪጌታና ማላ ያሳይ ኑና ኣይ ማላ ደሲዳኮ ቤዒቲ። ኦኒ ቱማካ ያሳ ናይታ። ሃ ኣላማይ ያሳ ኤርና ገሾ ኦናካ ኤሬና።

2 ታ ሲቆ ኢሻቶ፣ ሃዒ ኦኒ ያሳ ናይታ፤ ኦኒ ኣይ ሃናኮኮ ቡሮ ኤሬቲቤና። ሺን ኪሪሰቶሲ ቆንጫያ ዋዴ ኮኒ ኢያ ዳናይሳ ኤርሰ። ኢ ቱማ ዳዒይሳ ኦኒ ቤዓና።

3 ከሪስቶሲ በዓና ገዲ ኡፋይሳን ናገያ ኦኒካ፣ ከሪስቶሲ ገሺ ገዲዳይሳዳ ባና ገሺስ።

4 ናገሪ ሂጌ ማንሎ ገዲያ ገሾ ናገራ ኦሊያ ኡባይ ያሳ ሂጌ ማንሎስ።

5 ከሪስቶሲ አሳ ናገራ ጳይሳናው ቆንጨዳይሳ ሂንቴ ኤሬታ፤ ኢያን ናገሪ ባዋ።

6 ከሪስቶሳን ዳዒያ ኦኒካ ናገራን ዳና። ቃሲ ናገራን ዳዒያ ኦኒካ ኢያ በዒቤና ዋይኮ ኤሪቤና።

7 ታ ናይቶ፣ ሂንቴና ኦኒካ ባሌሶፎ። ከሪስቶሲ ዲሎ ገዲዳይሳዳ ዲሎ ኦሊያ ኦኒካ ዲሎ።

8 ፃላሃይ ኮይሮፔ ናገራ ኦሊዳ ገሾ ናገራ ኡባ ዋዴ ኦሊያ ኦኒካ ፃላሃ ዳቦ። ሄሳ ገሾ፣ ያሳ ናዓይ ፃላሃ ኦሪ ጳይሳናው ቆንጨስ።

9 ያሳ ናዓ ገዲያ ኦኒካ ያሳ አያናይ ኢያን ዳዒያ ገሾ ኢ ኡባ ዋዴ ናገራን ዳና። ያሳይ ኢያ አዋ ገዲያ ገሾ ናገራን ዳና።

10 ያሳ ናይታ ገደኒኔ ፃላሃ ናይታ ገደን ዳዒያ ዲማቴላይ ሄሳን ኤሬቴስ፤ ዲሎ ኦሶና አሲ ዋይኮ ባ አሻ ዳሶና አሲ ያሳ ናዓ ገደና።

ኢሶይ ኢሱዋ ደሲቴ

11 ኮይሮፔ ሂንቴ ሲዒዳ ከታይ፣ «ኢሶይ ኢሱዋ ደሳናው በሴስ» ያገያ ከታ።

12 ኦኒ ቃዔላ ማላ ገዳናው በሴና። ቃዔላ ፃላሃ ዳቦ ገዲዳ ባ አሻ ዋዴስ። ኢ ባ አሻ አይስ ዋዴዴ? ኢያ ኦሪይ ኢታ ገዲዳ ገሾኔ ኢያ አሻ ኦሪይ ሎ? ገዲዳ ገሾ ዋዴስ።

13 ታ አሻቶ፣ ሃ አላሚያ አሳይ ሂንቴና ኢዲኮ ማላሌቶሬቴ።

14 ኦኒ ኦ አሻታ ሲቁያ ገሾ ሃይቆፔ ዴ? ፒኒዳይሳ ኤሮስ። ባ አሻ ዳሶና ኦኒካ ሃይቆ ኩያን ዳዔስ።

15 ባ አሻ ኢዲያ ኦኒካ ሸምፖ ዋዴስ። ቃሲ ሸምፖ ዋዴያ ኦዴስካ ሜሪና ዴይይ ባይናይሳ ሂንቴ ኤሬታ።

16 ከሪስቶሲ ባ ሸምፑዋ ኦ ገሾ አላ ኢሚዳይሳን ሲቆይ አይቤኮ ኦኒ ኤሪዳ። ኦካ ኦ አሻታ ገሾ ኦ ሸምፑዋ አላዲ ኢማናው በሴስ።

17 ሺን ዲሬ ገዲዳ ኦኒካ ማቶታንቹዋ በዒሹ፣ ኢያው ቃዴቶና ኢዲኮ ባ ዋዛናን ያሳ ሲቆይ ዳዔስ ጋናው ዋኒዲ ዳንዳዒ?

18 ታ ናይቶ፥ ኮኒ ኦሶኒኔ ቱማቴላን ኑ ሲቁዋ ቆንጨሳናው ቤሴሰፔ ኣቲን ጮ ኦዳ ፃላላን ዋይኮ ዶና ፃላላን ሲቁታናው ቤሴና።

ፆሳን ዳዒያ አማኔቴላ

19 ኮኒ ኢሶይ ኢሱዋ ሲቁኮ፥ ኑ ቱማ ባጋ ጊዳይሳ ኤርሰ፤ ሄሳሰ ፆሳ ሲንላን ዩላቶኮ።

20 ኑ ዋዛናይ ኑ ቦላ ፐርዲያባ ጊዲኮ፥ ፆሳይ ኑ ዋዛናፔ ጊታ ጊዳይሳ ኤርሰ፤ ኢ ኡባባ ኤሬሰ።

21 ታ ሲቆ ኣሻቶ፥ ኑ ዋዛናይ ኑ ቦላ ፐርዶናባ ጊዲኮ ኮኒ ፆሳ ሲንላን ያዮኮ።

22 ኮኒ ኢያ ከታ ናጊያ ጊሾኔ ኢያ ኡፋይሲያባ ኦሊያ ጊሾ ዋሲያ ኡባ ኢያፔ ኤኮሰ።

23 ከሪሰቶሲ ኑና ከቲዳይሳዳ ፆሳ ናባ ዩሱሰ ከሪሰቶሳ ሱንላን አማናዳኔ ኢሶይ ኢሱዋ ሲቃናዳ ፆሳይ ኑና ከቲሰ።

24 ፆሳ ከታ ናጊያ ኦኒካ ፆሳን ዳዒሰ፤ ፆሳይካ ኢያን ዳዒሰ። ፆሳይ ኑሰ ኢሚዳ ጌሻ ኣያና ባጋራ ኢ ኑናን ዳዒይሳ ኤርሰ።

4

ኣያናታ ሻኪ ኤሪቴ

1 ታ ሲቆ ኣሻቶ፥ ኣያናታ ኡባ አማኖፐቴ፥ ሺን ኤንቲ ፆሳፌ ዩዳኮ ፓጩ ቤዒቴ። ኣይሰ ጊኮ፥ ዳር ዋርዶ ናቤቴ ኣላሜን ዳንዲዶሶና።

2 ፆሳ ኣያና ጊዳይሳ ሂንቴ ሃይሳን ኤራና፤ «ዩሱሰ ከሪሰቶሲ ኣሴ ጊዲዲ ዩዳይሳ ማርካታይሰ» ጊያ ኣያና ኡባይ ፆሳፌ ዩሰ።

3 ከሪሰቶሲ ኣሴ ጊዲዲ ዩዳይሳ አማናይሰ ጎና ኣያና ኡባይ ፆሳፌ ጊዳና። ሄሲ ከሪሰቶሳ ኢዲያ ኣያና። ሂንቴ ሄ ኣያናይ ያናይሳ ካሴ ሲዒዳታ፤ ኢ ሃሪ ኣቶሺን ሃዒካ ኣላሜን ዳዒሰ።

4 ታ ናይቶ፥ ሂንቴ ፆሳሳ። ሂንቴ ጊዶን ዳዒያ ጌሻ ኣያናይ ኣላሜን ዳዒያ ኣያናፔ ዳር ዋልቃማ ጊዲያ ጊሾ ዋርዳንኛ ናቤታ ሂንቴ ያኒዳታ።

5 ኤንቲ ሃ ኣላሚያ ኣሴ ጊዲያ ጊሾ ሃ ኣላሚያባ ኦዶሶና፤ ሃ ኣላሚያ ኣሳይ ኤንታ ኦዳ ሲፆሶና።

6 ኮኒ ፆሳፌ ዩሌቲዳ፤ ፆሳ ኤሪያ ኦኒካ ኑና ሲዒሰ። ፆሳ ኤርና ኦኒካ ኑና ሲዒሰ። ኮኒ ቱማ ኣያናኔ ዋርዶ ኣያና ሄሳን ሻኮሰ።

ፆሳይ ሲቆ

7 ታ ሲቆ አሻቶ፣ ሲቆይ ያሳፌ ያ ጊሾ ኣኔ ኣሶይ ኣሱዋራ ሲቆቶሰ። ሲቆይ ኦኒካ ያሳ ናዓ፤ ኢ ያሳ ኤሬሰ።

8 ያሳይ ሲቆ ጊዲያ ጊሾ ሲቆና ኦኒካ ያሳ ኤሬሰ።

9 ኦኒ ኪሪሰቶሳ ባጋራ ዳዑዋ ዳማና ሜላ ያሳይ ባ ኢሲ ናዓ ሃ ኣላሚያ ከተሰ። ያሳይ ኦና ባ ሲቆዋ ሄሳን ቤሲሰ።

10 ቱማ ሲቆ ጉሳይ ሃይሳ፡ ኦኒ ያሳ ሲቆዳ ጊሾ ጊዳናሽን ያሳይ ኦና ሲቆዳ ጊሾኔ ኦ ናጋራፔ ኦና ማራናው ባ ናዓ ከተዳ ጊሾሳ።

11 ታ ሲቆ አሻቶ፣ ያሳይ ኦና ሃይሳዳ ሲቆኮ፣ ኦካ ኣሶይ ኣሱዋ ሲቆናው ቤሲሰ።

12 ያሳ ቤዒዳይ ኦኒካ ባዋ። ኦኒ ኣሶይ ኣሱዋ ሲቆኮ ያሳይ ኦናን ዳዔሰ፤ ኢያ ሲቆይካ ኦናን ፖሎ ጊዳሰ።

13 ያሳይ ባ ጌሻ ኣያና ኦሰ ኣሚዳ ጊሾ ኦኒ ያሳን ዳዔይሳኔ ኣካ ኦናን ዳዔይሳ ኤሮሰ።

14 ኣዋይ ባ ናዓ፣ ሃ ኣላሚያ ኣሼይሳ ጊዳና ሜላ ከተዳይሳ ኦኒ ቤዒዲ ማርካቶሰ።

15 ዩሱሲ ያሳ ናዓ ጊዳይሳ ማርካቲያ ኦዴንካ ያሳይ ዳዔሰ፤ ኣካ ያሳን ዳዔሰ።

16 ያሳይ ኦና ሲቆይሳ ኦኒ ኤሮሰኔ ኣማናሰ።

ያሳይ ሲቆ። ሲቆን ዳዒያ ኦኒካ ያሳን ዳዔሰ፤ ያሳይካ ኢያን ዳዔሰ።

17 ኦ ዳይሃ ሃ ኣላሚያን ኪሪሰቶሲ ዳዒዳይሳ ሜላ ጊዲያ ጊሾ ፐርዳ ጋላሰ ያዮና ኢያ ሲንጤ ሺቃናው ኢያ ሲቆይ ኦናን ፖሎ ጊዳሰ።

18 ሲቆን ያሺ ባዋ፣ ቱማ ሲቆይ ያሺ ኬሲ ሆሌሰ። ያሺኔ ፐርዲ ኣሲፌ ቢያ ጊሾ ያያ ኡራ ሲቆይ ፖሎ ጊዳና።

19 ያሳይ ኮይሮ ኦና ሲቆዳ ጊሾ ኦ ሲቆሰ።

20 ኦኒካ፣ «ያሳ ሲቆይሰ» ጊሼ ባ ኣሻ ኣዲኮ፣ ኢ ዋርዳንቸ። ኣይሰ ጊኮ፣ ቤዒያ ባ ኣሻ ሲቆና ኦኒካ ቤዒሶና ያሳ ሲቆናው ዋኒዲ ዳንዳዒ?

21 ኪሪሰቶሲ ኦሰ ኣሚዳ ከታይ ሃይሳ፤ «ያሳ ሲቆይ ኦኒካ ባ ኣሻ ሲቆናው ቤሲሰ» ያጌይሳ።

5

ኣላሚያ ያኖ

4:12 ዮሃ 1:18

1 ዩሱፍ፣ ኢ ከሪስቶስ ስገዳ፣ አማኒያ ኦኒካ ያሳ ናዓ። አዎ ሲቁያ ኦኒካ ኢያ ናዓካ ሲቁስ።

2 ኦኒ ያሳ ሲቁያ ጊሾኔ ኢያ ከታ ናጊያ ጊሾ ያሳ ናይታ ሲቁይሳ ኤሮስ።

3 ኦኒ ያሳ ሲቁኮ፣ ኢያ ከታታ ናጎስ። ኢያ ከታቲ ዴዎ ጊዶኮና።

4 አይስ ጊኮ፣ ያሳ ናዓ ጊዳያ ኦኒካ ሃ አላሚያ ያናናው ዳንዳዔስ። ኦኒ ሃ አላሚያ ያናናይ ኦ አማኮዋና።

5 አላሚያ ያናናው ዳንዳዔይ ኦኔ? ዩሱሲ ያሳ ናዓ ጊዳይሳ አማኒያ አሳ ዓለሊ ያናና።

ከሪስቶስ ማርካቴይሳ

6 ዩሱስ ከሪስቶስ ሃሳ ዲንቃቲያራኔ ባ ሃይቁአዎ ሱላራ ዩስ። ኢ፣ ሃላራኔ ሱላራ ዩሲፔ ኦቲን ሃሳ ያላላራ ዩቤና። ጌሻ አያናይ ቱማ ጊዳያ ጊሾ ሄሲ ቱማ ጊዳይሳ ማርካቴስ።

7 ሄቭ ማርካቲ ዴዎሶና።

8 ሄሳቲ፣ ጌሻ አያና፣ ሃላኔ ሱላ። ሃ ሄቭታ ማርካቴላይ ኢሲኖ።

9 ኦ አሲ ማርካቴይሳ አማኖስ። ሺን ያሳ ማርካቴላይ አሳይሳፊ ዳሮ አዴስ። ያሳይ ባ ናዓስ ማርካቲዳ ማርካቴላይ ሃይሳ።

10 ያሳ ናዓ አማኒያ ኡራ ዋዛናን ሃ ማርካቴላይ ዴዔስ። ያሳ አማኖና ኦኒካ ያሳይ ባ ናዓስ ማርካቲዳ ማርካቴላ አማኒሶና ጊሾ ያሳ ዋርዳንቾ ኦሌስ።

11 ሄዛ፣ ማርካቴላይ ሃይሳ፤ ያሳይ ኦስ ሜሪና ዴዎ ኢሚስ፤ ሄ ዴዎይካ ኢያ ናዓን ዴዔስ ያጌይሳ።

12 ያሳ ናዓይ ዴዔያ ኦዴስካ ዴዎይ ዴዔስ። ያሳ ናዓይ ባይና ኦዴስካ ዴዎይ ባዋ።

ሜሪና ዴዎ

13 ያሳ ናዓን አማኒያ ሂንቲው ሜሪና ዴዎይ ዴዔይሳ ሂንቲ ኤራና ሜላ ሃይሳ ሂንቲው ያፋስ።

14 ያሳ ሺኒያዳ አይቢባካ ኢያ ዎሲኮ፣ ኢ ሲዔይሳ ኦኒ ኤሪያ ጊሾ ኢያን አማኔቶስ።

15 ኦኒ ዎሲያ ኡባ ኢ ሲዔይሳ ኤሪኮ፣ ኦኒ ዎሲያባ ኢ አማናይሳ ኤሮስ።

16 ኦኒካ ባ ኢሻይ ሃይቆ ቤሶና ናጋራ ኦሊሺን ቤዒኮ፣ ያሳ ኢያው ዎሳናው ቤሴስ። ሃይቆ ቤሶና ናጋራ ኦሊዳይሳታስ ያሳይ

ዴዖ ኢማና። ሃይቆ ቤሲያ ናጋሪ ዴዴስ። ታኒ ሂንቴና ሄሳስ ያሳ ዋሲቴ ጊኬ።

17 ኢታ ኦሶ ኡባይ ናጋራ፥ ሺን ሃይቆ ቤሶና ናጋሪ ዴዴስ።

18 ያሳ ናዓይ ኢያ ናጊያ ጊሾ ያሳ ናዓ ጊዲዲ ኦኒካ ናጋራን ኡባ ዋዴ ዴዖናይሳ ኦኒ ኤሮስ። ፃላሃይ ኢያ ቆሃናው ዲንዳዔና።

19 ኦኒ ያሳሳ ጊዴይሳኔ ሃ ኩሜላ ኣላሜይ ፃላሃን ሃሬቴይሳ ኤሮስ።

20 ኦኒ ቱማ ያሳ ኤራናዲ ያሳ ናዓይ ዪዲይሳኔ ኦስ ኣኬካ ኢሚዲይሳ ኤሮስ። ኦኒ ኢያ ናዓ፥ ዬሱሱ ኪሪሰቶሳ ባጋራ ቱማ ያሳን ዴዖስ። ዬሱሱ ቱማ ያሳኔ ማሪና ዴዐዋ።

21 ታ ናይቶ፥ ኤቃታፔ ሂንቴ ሃኪቴ።

ኦራሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source
files dated 29 Jan 2022

c35d6c73-3843-5482-b53e-7559d35deee5